

ხელშეკრულება სახელმწიფო შესყიდვის შესახებ N03/56

პენიტენციური სისტემის პოლიტიკის შემუშავება, მართვა და ბრალდებულ/მსჯავრდებულთა ყოფითი პირობების გაუმჯობესება 270101
გამარტივებული შესყიდვა

ქ. თბილისი

24 მარტი 2017 წელი

ერთი მხრივ, საქართველოს, სასჯელაღსრულებისა და პრობაციის სამინისტრო (შემდგომში "შემსყიდველი") მისი მინისტრის მოადგილის თეიმურაზ მღებრიშვილის სახით და მეორე მხრივ შპს „აიდიეს ბორჯომი თბილისი“ (შემდგომში "მიმწოდებელი") წარმოდგენილი მისი დირექტორის აკაკი გაგნიძეს სახით, ორმხრივი შეთანხმების საფუძველზე, სახელმწიფო შესყიდვების სააგენტოს თავმჯდომარის 2015 წლის 17 აგვისტოს N 13 ბრძანებით დამტკიცებული გამარტივებული შესყიდვის კრიტერიუმების განსაზღვრისა და გამარტივებული შესყიდვის ჩატარების წესის მე-3 მუხლის ე-ქვეპუნქტის გათვალისწინებით, ვდებთ წინამდებარე ხელშეკრულებას შემდეგზე:

1. ხელშეკრულების საგანი

ხელშეკრულების საგანს წარმოადგენს შემსყიდველის მიერ მოთხოვნილი სხვადასხვა დასახელების საქონლის პერიოდულად მიწოდების შესყიდვა.

2. ხელშეკრულების ობიექტი

ხელშეკრულების შესყიდვის ობიექტს წარმოადგენს სხვადასხვა დასახელების საქონელი: მინერალური წყალი უგაზო და მინერალური გაზიანი წყალი (CPV15981100, CPV 15981200) (შემდგომში საქონელი)

3. ხელშეკრულების ღირებულება

3.1. ხელშეკრულების საერთო ღირებულება შეადგენს 5`000.00 (ხუთი ათასი ლარი და 00 თეთრი) ლარს.

3.2. ხელშეკრულების 2.1 პუნქტში აღნიშნულ თანხაში შედის საქართველოს კანონმდებლობით გათვალისწინებული ყველა შესაბამისი გადასახადი.

4. საქონლის მიწოდების ადგილი, ხარისხის გარანტია და ვადა.

4.1 მიმწოდებელი იძლევა გარანტიას, რომ საქონელი იქნება მაღალი ხარისხის, უპასუხებს ხელშეკრულების პირობებს და დააკმაყოფილებს შემსყიდველის მოთხოვნებს.

4.3 საქონლის მიწოდება განხორციელდება 2017 წლის 31 დეკემბრის ჩათვლის შემსყიდველის მოთხოვნიდან 3 (სამი) სამუშაო დღის ვადაში.


4.4. საქონლის მოწოდების ადგილია ქ.თბილისი სანდრო ეულის ქ.3ა , ვახტანგ გორგასლის ქ 83ა.

5. შესყიდვის ობიექტის მიღება-ჩაბარების წესი

5.1. საქონლის მიღება ფორმდება მიღება-ჩაბარების აქტით, რომელიც დასტურდება შემსყიდველისა და მიმწოდებლის მიერ შესაბამისი უფლებამოსილი წარმომადგენლების ხელმოწერებით.

5.2. შემსყიდველის მხრიდან ხელშეკრულების 5.1. პუნქტში აღნიშნული მიღება- ჩაბარების აქტის ხელმოწერაზე უფლებამოსილია ლოჯისტიკის დეპარტამენტის მომარაგების სამმართველოს მრჩეველი დიტო მაჭუტაძე. ხოლო შემსრულებლის მხრიდან შპს „აიდიეს ბორჯომი თბილისი“-ს გაყიდვების მენეჯერი ავთანდილ ჩაჩიბაია.

6. ანგარიშსწორების პირობები



6.1. მიმწოდებელთან ანგარიშსწორება განხორციელდება ეროვნულ ვალუტაში.

6.2 დაფინანსების წყარო: 2017 წლის სახელმწიფო ბიუჯეტი

6.3. ხელშეკრულებით განსაზღვრული შესყიდვის ობიექტის ღირებულების ანაზღაურება მოხდება უნაღდო ანგარიშსწორების ფორმით.

6.4 ანგარიშსწორების განხორციელებისათვის მიმწოდებელმა უნდა წარმოადგინოს 5.1. პუნქტით განსაზღვრული მიღება-ჩაბარების აქტი, სასაქონლო ზედნადები და საგადასახადო ანგარიშ-ფაქტურა.

6.5. ანგარიშსწორება შემსყიდველის მიერ განხორციელდება მიმწოდებლის მიერ ამ ხელშეკრულების 6.4. პუნქტით განსაზღვრული დოკუმენტაციის წარდგენიდან არაუგვიანეს 10 (ათი) სამუშაო დღის ვადაში.

6.6. მიმწოდებელმა ანგარიშსწორების განხორციელებისათვის 6.3 პუნქტში მითითებული დოკუმენტაცია თუ არ წარუდგინა შემსყიდველს საქონლის მიწოდების მიწოდების დამთავრების მეორე დღიდან 3 (სამი) თვის განმავლობაში, მიმწოდებელი 3 (სამი) თვის გასვლის მეორე დღის შემდეგ კარგავს მიწოდებული საქონლის თანხის მოთხოვნის უფლებას შემსყიდველისათვის დოკუმენტაციის წარუდგენლობის გამო.

7. მხარეთა ვალდებულებები და უფლებები

7.1. შემსყიდველი ვალდებულია:

მოახდინოს ანგარიშსწორება მიმწოდებელთან ხელშეკრულებით გათვალისწინებული პირობების შესაბამისად;

7.2. შემსყიდველს უფლება აქვს:

შეამოწმოს საქონლის ხარისხის და რაოდენობის შესაბამისობა ხელშეკრულებასთან.

7.3. მიმწოდებელი ვალდებულია:

ა) მიაწოდოს შემსყიდველს ხარისხიანი საქონელი იმ ოდენობით, რისი ჩამონათვალიც ყოველი მოთხოვნისას გადაეცემა წერილობითი ფორმით (ფაქსი, ელ-ფოსტა, წერილი და ა.შ).

ბ) დაიცვას ხელშეკრულებით გათვალისწინებული ყველა პირობა;

გ) ხელშეკრულების შესრულების პროცესში წამოჭრილ გაუთვალისწინებელ ხელშემშლელ გარემოებებთან დაკავშირებით, დაუყოვნებლივ გაუგზავნოს შემსყიდველს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ.

7.4. მიმწოდებელს უფლება აქვს:

ა) მოთხოვოს შემსყიდველს მიწოდებული საქონლის ღირებულების ანაზღაურება ხელშეკრულებით გათვალისწინებული პირობებით.

8. მხარეთა პასუხისმგებლობა ხელშეკრულების დარღვევისას

8.1. ხელშეკრულების პირობების არაჯეროვანი/უხარისხო შესრულების შემთხვევაში, მიმწოდებელს ეკისრება პირგასამტეხლო სახელშეკრულებო ღირებულების 5 (ხუთი) პროცენტის ოდენობით.

8.2. მიმწოდებლის მიერ მოთხოვნილი საქონლის დაგვიანებით მიწოდების შემთხვევაში, მიმწოდებელს ეკისრება პირგასამტეხლო ხელშეკრულების საერთო ღირებულების 10%-ის ოდენობით.

8.3. საქონლის მიწოდების ვადის დარღვევის შემთხვევაში, მიმწოდებელს ეკისრება პირგასამტეხლო ყოველ ვადაგადაცილებულ დღეზე ხელშეკრულების საერთო ღირებულების 0,5 პროცენტის ოდენობით.

8.4. ხელშეკრულებით აღებული ვალდებულების შეუსრულებლობისათვის მიმწოდებელს ეკისრება პირგასამტეხლო სახელშეკრულებო ღირებულების 10 (ათი) პროცენტის ოდენობით.

9. ხელშეკრულების მოქმედების ვადა



ხელშეკრულების მოქმედების ვადა განისაზღვრება ხელშეკრულებაზე ორმხრივად ხელის მოწერის დღიდან 2018 წლის 31 იანვრის ჩათვლით .

10. ხელშეკრულების პირობების გადასინჯვის შესაძლებლობა

10.1 წინამდებარე ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.

10.2 საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში დაუშვებელია თავდაპირველად დადებული ხელშეკრულების ჯამური ღირებულების 10%-ზე მეტი ოდენობით გაზრდა.

11. დაუძლეველი ძალა (ფორს-მაჟორი)

11.1. მხარეები არ არიან პასუხისმგებელნი თავიანთი ვალდებულების სრულ ან ნაწილობრივ შეუსრულებლობაზე, თუ ეს შეუსრულებლობა გამოწვეულია ისეთი გარემოებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, თუ ისინი უშუალო ზემოქმედებას ახდენენ ხელშეკრულების შესრულებაზე.

11.2. მხარე, რომელსაც შეექმნა ფორს-მაჟორული გარემოება დაუყოვნებლივ აცნობებს ამის შესახებ მეორე მხარეს წერილობით ფორმით მიზეზის მითითებით, ან სატელეფონო შეტყობინებით, რომელიც უნდა დაადასტუროს შემდგომ წერილობითი ფორმით.

12. ხელშეკრულების ინსპექტირების პირობები

12.1. საქონლის შესყიდვის პარალელურად შემსყიდველი უფლებამოსილია განახორციელოს ინსპექტირება და წარმოადგინოს ინსპექტირების აქტი მიღება-ჩაბარების აქტის გაფორმებიდან არაუგვიანეს 5 (ხუთი) კალენდარული დღისა.

12.2. ინსპექტირების აქტში მითითებული უნდა იყოს ნაყიდი საქონლის რაოდენობა და აღმოჩენილი წუნი (იმ შემთხვევაში თუ წუნი თვალხილულია).

12.3. ვიზუალური დათვალიერების დროს, შემსყიდველი ვალდებულია დაუყოვნებლივ წერილობით ან/და სატელეფონო შეტყობინებით აცნობოს მიმწოდებელს აღმოჩენილი წუნის შესახებ და მოითხოვოს მიმწოდებლის ხარჯით მისი აღმოფხვრა.

12.4. ინსპექტირების აქტის საფუძველზე საჭიროების შემთხვევაში ჩატარდება მიწოდებულ საქონელზე ექსპერტიზა.

12.5. შემსყიდველის მხრიდან ხელშეკრულების შესრულების კონტროლს განახორციელებს მინისტრის მიერ უფლებამოსილი პირი.

13. ხელშეკრულების შეწყვეტა

13.1 შემსყიდველს შეუძლია მთლიანად ან ნაწილობრივ შეწყვიტოს ხელშეკრულება მიმწოდებლისთვის ვალდებულების შეუსრულებლობის ან არაჯეროვნად შესრულების შესახებ წერილობითი შეტყობინების გაგზავნის ან/და სატელეფონო შეტყობინების შემდეგ, თუ:

ა) მიმწოდებელს ხელშეკრულებით გათვალისწინებულ ვადაში არ შეუძლია მთლიანად ან ნაწილობრ ხელშეკრულებით ნაკისრი ვალდებულების შესრულება.

ბ) მიმწოდებელს არ შეუძლია შეასრულოს ხელშეკრულებით გათვალისწინებული რომელიმე ვალდებულება.

გ) ხელშეკრულების ვადის გასვლის საფუძველზე;

დ) ურთიერთ შეთანხმების საფუძველზე;

13.2. ხელშეკრულების ცალკეული პირობების შეწყვეტა არ ათავისუფლებს მიმწოდებელს ხელშეკრულებით ნაკისრი სხვა ვალდებულების შესრულებისაგან.

13.3. შემსყიდველს შეუძლია მიიღოს გადაწყვეტილება ხელშეკრულების შეწყვეტის შესახებ აგრეთვე თუ შემსყიდველისათვის ცნობილი გახდა, რომ მისგან დამოუკიდებელი მიზეზების გამო მიმწოდებელი ვერ უზრუნველყოფს ხელშეკრულებით ნაკისრი ვალდებულების შესრულებას.

14. დავები და მათი გადაწყვეტის წესი

14.1. ხელშეკრულების შესრულებისას მხარეთა შორის წამოჭრილი დავები ან აზრთა სხვადასხვაობა შესაძლებელია გადაწყვეტილ იქნას ორივე მხარის ერთობლივი მოლაპარაკების საფუძველზე.

14.2. შეთანხმების მიუღწევლობის შემთხვევაში მხარეები მიმართავენ სასამართლოს საქართველოს კანონმდებლობის შესაბამისად.

15. სხვა პირობები

15.1. მხარეები აუნაზღაურებენ ერთმანეთს მიყენებულ ზარალს საქართველოს კანონმდებლობის შესაბამისად.

15.2. არც ერთ მხარეს არა აქვს უფლება გადასცეს მესამე პირს თავისი უფლებები და მოვალეობები, მეორე მხარის წერილობითი თანხმობის გარეშე.

15.3. მესამე პირთან ურთიერთობაში მხარეები მოქმედებენ თავიანთი სახელით, ხარჯებითა და რისკით.

15.4. ხელშეკრულება შედგენილია ქართულ ენაზე, სამ ეგზემპლარად, რომელთაგან თითოეულს აქვს თანაბარი იურიდიული ძალა და ინახება ერთი მიმწოდებელთან და ორი შემსყიდველთან. ხელშეკრულებასთან დაკავშირებული ნებისმიერი მიმოწერა შესრულებული უნდა იყოს ქართულ ენაზე.

15.5. წინამდებარე ხელშეკრულების ნებისმიერი ცვლილება ან დამატება ძალაშია მხოლოდ მას შემდეგ, რაც ის იქნება წერილობითი ფორმით შედგენილი და ხელმოწერილი მხარეთა მიერ.

16. მხარეთა რეკვიზიტები

„შემსყიდველი“	„მიმწოდებელი“
საქართველოს სასჯელაღსრულებისა და პრობაციის სამინისტრო მის: ქ. თბილისი, ს. ეულის ქ. N3 ს/კ 204564934 სახელმწიფო ხაზინა კოდი: TRESGE22 GE24NB0330100200165022 მინისტრის მოადგილე	შპს „აიდიეს ბორჯომი თბილისი“ მის: ქ. თბილისი, ქინძმარაულის ქ. #5 ს/კ 404888528 სს"თიბისი ბანკი" ბ/კ TBCBGE22 ა/ა GE07TB7155936020100001
 /თეიმურაზ მღებრიშვილი/	 /აკაკი გაგნიძე/

IDS Borjomi Tbilisi





საქართველოს სასჯელაღსრულებისა
და პრობაციის სამინისტრო
MINISTRY OF CORRECTIONS OF GEORGIA



MOC 2 17 00224157

24/03/2017

სასჯელაღსრულებისა და პრობაციის მინისტრის მოადგილეს,
ბატონ თეიმურაზ მღებრიშვილს

ლოჯისტიკის დეპარტამენტის უფროსის,
ირაკლი ჩიქოვანის

მოხსენებითი ბარათი

ბატონო თეიმურაზ,

მოგახსენებთ, რომ სასჯელაღსრულებისა და პრობაციის სამინისტროში ხშირად იმართება სხვადასხვა სახის შიდა შეხვედრები (იხ.საფუძვლები), აღნიშნულიდან გამომდინარე სტუმრების გასამასპინძლებლად საჭიროა ყავა და მინერალური წყალი.
გთხოვთ, დაავალოთ შესაბამის სამსახურს 2017 წლის 31 დეკემბრამდე გაგვიფორმოს ხელშეკრულებები ყავის მომწოდებელ კომპანია შპს "Aora Georgia"-სთან 5000 (ხუთი ათასი) ლარზე და მინერალური წყლების მომწოდებელ კომპანია შპს "აიდიეს ბორჯომი თბილისთან" 5000 (ხუთი ათას) ლარზე.

პატივისცემით,

ცენტრალური აპარატი / ლოჯისტიკის დეპარტამენტი
დეპარტამენტის უფროსი
ირაკლი ჩიქოვანი